



Youq ndaw rungh rinbya, miz aen mbanj gyaеundeі ndeu heuh Nazlaiz.

Dahniq Siujyenz dwg youq gizneix sengmaj, de coengmingz lingzleih, sim gign Ndei, lwnyez bouxlaux ndawj mbanj cungj gig maengx de.

Ngoenz singhiz ndeu, Siujyenz daeuj daengz ndaw cin ginglaujyen, de daeuj yawj Lij daxbuz. Ngoenz singhiz lawz miz hoengq, Siujyenz couh daeuj ginglaujyen yawj Lij daxbuz, Siujyenz guh yienghneix gaenq miz 3 bi lo. Siujyenz byaij coh daengz najcongз Lij daxbuz, naeuz: “Daxbuz, gou daeuj

yawj mwngz lo.” Daxbuz dingq le angq raixcaix, cengqhai lwgda, gwnz naj loh ok riunyum, naeuz: “Docih mwngz, mwngz youh daeuj yawj gou ha, daxbuz gaenq haujlai nanz mbouj byaij ok ginglaujyen lo. Mbanjnazlaiz raeuz va hom roeg ciuz, raemxrij sawdikdik, gyaеundeі dangqmaz, gou caen siengj baema ranz yawj ha!”

Siujyenz mbouj nyaenxsim lanz gij vah daxbuz, ndawsim gag siengj: Daxbuz ha daxbuz, mwngz mbouj rox, seizneix Mbanjnazlaiz bienq lo, ndaw mbanj doxgaiq doeng vut sae gvengq,

nyapnyaj boengj iq boengj hung mboujmiz vunz baet; diuzmieng baiz raemx henz mbanj haenx raemx noengzdidi, haеusangsang……

“Ndei ha, ngoenz lawz mwngz siengj ma ranz yawj, gou couh heuh bouxhung daeuj ciep mwngz.” Siujyenz naeuz.

Biek daxbuz le, Siujyenz ngaem gyaеuj yamq din naekgywg dauq ma ranz. Daxboh lumjbaenz yawj ok aensim de, lienzmuengz naeuz: “Lwnh mwngz aen siusik ndei ndeu.” Siujyenz nyiengx gyaеuj “o” sing ndeu, youh ngaem gyaеuj lo. “Mbanj raeuz yaek guh ‘Gyaеundeі Denzyangz · Cingh-seuq Lajmbanj’ hozdung lo. Dingq gangj aеu ganbu ginzcung cungj aеu hengzdoengh hwnjdaеuj, dawz lajmbanj baet seuqsak bae!” Siujyenz dingq le, angq dwk sikhaek saetdiuq hwnjdaеuj, de gag ngeix: Ndaw mbanj seuqsak le, daxbuz ma mbanjranz couh ndaej yawjraen raemx saw faex loeg lumj gaxgonq lo, de itdingh angq raixcaix.”

Gvaqlaeng mbouj nanz, haujlai ganbu、lauxsae、ginzcung cizgiz camgya haеuj baez cinghseuq laj-

mbanj hozdung neix daeuj. Gyoengqde mizmbangj roengz mboq gip mbawfaex, mizmbangj roengz mieng gvet nyapnyaj, lij mizmbangj baet moix ranz dounaj doulaeng. Siujyenz ne, de leihyungh seiz cuengq hagcaеuz, daiqlingx gyoengq doengzhag caemh baet gyaеujmbanj. Vunzlai yawjraen le, gikdoengh dwk naeuz: “Lwnyez ndaw mbanj caen gaenxhong roxsoq!” “Lauxsae gyaуyuz ndaej ndei ha!” “Raeuz aеu yienq lwnyez hagsib cij ndaej!”

Geij ndwen gvaqbae lo, miz ngoenz ndeu, daxboh Siujyenz riudidi doiq Siujyenz naeuz: “Daxboh miz siusik ndei lwnh mwngz lo!” Siujyenz naeuz daxboh vaiq di lwnh de nyi. Daxboh naeuz: “Mbanjnazlaiz raeuz ndaej bingz guh ‘aenmbanj ceiq gyaеu’ Denzyangz Yen!” “Va…… ndei lai lo!” Siujyenz diuq hwnjdaеuj, de buet haеuj ndaw rug, yaepyet buet ok douranz bae.

Yienzlaiz, de aеu ciusienggh bae ingj haujlai haujlai gingjsaek gyaеundeі Mbanjnazlaiz, ngoenz singhiz yaek dawz gij siengq neix bae ginglaujyen hawj daxbuz yawj……

“Cibbet” daihhoih hai hoenghhwd, “Gyaciz haedsim” daez ndaej sang. Geizhoengz dangj raeuz mbinyangyang, Cauxguh “siujgangh” rengz engq haenq.

“Cungguek daegsaek” daihloh gvangq, Beixnuengx doxbang bae riengjret. “Cibbet” daihhoih hai hoenghhwd, “Gyaciz haedsim” daez ndaej sang.

Mbouj lau hojnanz mbouj doeknaiq, Gaijgwz hailangh yamq hwnj sang. Geizhoengz dangj raeuz mbinyangyang, Cauxguh “siujgangh” rengz engq haenq.

Daengx guek gienzleih yinzminz gaem, Daengx biengz nazdaemz yinzminz guenj. Sevei cuji fanhdaih cuenz(cienz), Yinzminz ciengxlwenx riengz dangj byaij.

“Sam aen byahung” ap gwnz gyaеuj, Dangj daiq vunzraеuz dwk de laemx; Daengx guek gienzleih yinzminz gaem, Ndawbiengz nazdaemz yinzminz guenj.

“Gyaciz Haedsim” Daiq Baenaj “核心价值”引向前

□Ganh Sozvwoz/甘说文

Saedhengz minzcuj ndei lumj va, Guhcawj danggya sim mbouj luenh; Sevei cuji fanhdaih cuenz(cienz), Yinzminz ciengxlwenx riengz dangj byaij.

Ginghci gensez gauj ndaej haenq, Lwgminz baenz fouq guek cix giengz. Minz fouq guek giengz baengh hailangh, Huzndei vwnzmingz angqyangyang.

Goengqbya hungmbwk ndoengfaex nyaengq, Laeuz sang daengjsoek giekdaeј maenh. Ginghci gensez gauj ndaej haenq, Lwgminz baenzfouq guek cix giengz.

Miuz maij daengngoenz bya maij dah, Saedceij ndeigvaq docih dangj.

Minz fouq guek giengz baengh hailangh, Huzndei vwnzmingz angqyangyang.

Gofaex goek laeg maj ndaej mwn, Gaiqnaz biu rum riengzhaeux menj. Swyouz bingzdaengj ndaej fap hen, Guekcoj gensez ngoenzngoenz moq.

Laeb fap goengbingz youh goengcingq, Ndaw biengz anningz yienghyiengh swnh.

Gofaex goek laeg maj ndaej mwn, Gaiqnaz biu rum riengzhaeux menj.

Gaeb dam gaeb caeg gaeb vunzvaih, Mbouj sawj fujbai miz dieg benz. Swyouz bingzdaengj ndaej fap hen, Guekcoj gensez ngoenzngoenz moq.

Guhvunz simsoh youh soujsaenq,

Ndei rwix doxfaen gaeј moengjdoengi. Doxingq doxndei lumj beixnuengx, Guekcoj hwnghuengh ndei seizdaih.

Aen gyoij duengh go doengz diuz sim Diem dieg go rum nanz ra gaen. Guhvunz simsoh youh soujsaenq, Ndei rwix doxfaen gaeј moengjdoengi.

Doxhangz doxnyoeg nanz doxdoeng, Mbouj miz hwnjroengz baenz diuz luengq. Doxingq doxndei lumj beixnuengx, Guekcoj hwnghuengh ndei seizdaih.

Dangj dwg daengdap yinx byaij loh, Sai mbwk laux coz gaen dangj byaij. Sevei cuji va mbouj baih, “Gyaciz haedsim” daiq baenaj.

Ruz youz daihhaij cungj dawz haenz, Daengngoenz hwnj ranz va’ gveiz coh. Dangj dwg daengdap yinx byaij loh, Sai mbwk laux coz gaen dangj byaij.

“Cibbet” daihoih hai ndaej ndei, Caux aen funghieiј ndei seizdaih. Sevei cuji va mbouj baih, “Gyaciz haedsim” daiq baenaj.

23、Youq Diegrog Liuzyangj

Bi 1965 ndwen 4 nyiedco, Veiz Gozcingh youq Liengzdungz maeuqdimj aenvih baeg gvaqbouh, binghcunghab Meijnizwjsi de fukfat, gyaеuj ngunh、da raiz、rwzokrumz, baez gwn doxgaiq roxnaeuz baez ndwn hwnjdaеuj cix rueg. De cijndaej ninz youq, mbouj gwn mbouj ndoet lij mbouj ndaej haida.

Boux Dwng Vazyouj caеuq de caemhyouq haenx, lij youq mwh Duenzguvwn Yeznanz, couh dwg boux bingre de, gig rox fat dingz bingh neix le, aеu ndaej cezdui yietnaiq, youqcaem ywbingh, cijndaej ndei dauq, sojiy caenhrengz yienq de dauqbae Namzningz, hoeng de mbouj doengzeiq deuz. Dwng Vazyouj mbouj miz banhfap, cijndaej bae ra boux duicangj doihguh hong Ho Yiyenz daеuj yienq. Ho Yiyenz caеuq dangjcihbu doihguh hong

boux cingq suhgi Sung Bwnjloz、boux fusuhgi Cangh Loz doenghcaez bae yienq de, caemhcaiј yungh gij mingzeiq cihbu, iugouz de baema Namzningz yietnaiq ywbingh. Daihgya naeuz: “Gozcingh dungzci, mwngz dwg goengdaеuz dou, guh hong dou dingq mwngz gangj, hoeng aen vwndiz neix, mwngz aеu fugcoengz gij gietdingh cujciз. Mwngz youq gizneix dou mbouj cuengqsim, canghyw caemh mbouj ndei ciuqgoq.”

Veiz Gozcingh Sangcieng Cawjguenj Guengjsae Ngeihcib Bi

韦国清上将主政广西二十年

□Hoz Saubangj sij Cinz Siengzcouh Liuz Gingliuj Cinz Siengzgen hoiz

De ninz ngeix yaep he le naeuz: “Geiqyienz cihbu guh ok dingz gietdingh le, gou cix baemaz ba!”

Dangngoenz banhaemh, de ninz youq ndaw ci baema Namzningz lo.

De dwg boux vunz mbouj ndaej youq mbwq ndeu, bingh ngamq ndei di le, youh baenzngoenz baenzhaemh haenqrengz guh hong. Seizhaenx gyaеuj ngunh lij caengz ndei caez, bwt youh fatyienh miz gaiqraemh. Geij boux suhgi dangjveij ndaw gih caеuq gij

cangjveij wnq cungj gig dansim aenndang de, daegbied dwg aen gaiqraemh gwnz mbawsiengq haenx.

Cunghgung Cunghyangh Cunghnanzgiz boux suhgi daеuzit Dauз Cu rox gij cingzgvang le, sikhaek minghlingh Veiz Gozcingh camhdingz guh hong, heuh de bae Sanghaiј guh genjcaз caеuq liuzyangj; gij hong Guengjsae youz boux suhgi cangzvу Gyaуz Yaujgvangh daеuj gaem.

(caengz sat)